

ادبیات عمریه مجبوری

هفته‌لق سیاسی ، ادبی و علمی غزته در .

جلد : ۱

سنه : ۱ ۵ ربیع الاول ۱۳۳۵ جمعه ایرتسی ۱۷ کانون اول ۱۳۳۲ نومرو ۹

سفارتنامه آمدی غالب افندی

الحمد لله الذي هدانا لهذا السلام وايد الدين القويم المبين بالتأييد التام والصلوة والسلام على نبينا محمد سيد الانام قال الله الصلح سيد الاحكام وعلى آله واصحابه الذين هم اولو السعادة وعالي المقام وبعد بو عبد محتاج الطاف ومواهب حضرت واهب سيد محمد سعيد غالب حسب الاستطاعة والمكاسب بو وجهله اشعار مشهودات واخبار معلوماته راغب كافة واقعات زمانيه مقتضاي تصاویر ازليه اولوب هر برينك مقدمات ونتائجنده احكام خفيه اولغله الله كشمش آتمشدر آني اتمه جدل تيغ لايستل عمايفعل مآلى باصدق حال اولوب دولت عليه ابدى الدوام صانها الله تعالى الى يوم القيام ولمع انوار شوكتها مادام الليالى والايام ايله فرانسه دولتي بيننده اوچيوز سنه مقدارى اثار مصافاة جارى وعوارض وتغيردن عارى اولديغندن بشقه معلوم خواص وعوام اولدينى وجهله فرانسه دولتي مبدل جمهوريت اولدينى هنكامده دخى مرعى اولان عهد سابقه على حالها ابقا اولندقدن صكره اقليم مصر ندره العصر ماده سيلاه وضع انامل تعرضات باعث انفساخ شيرازه مسالمات اولقى ملابسه سيلاه بيك ايكي يوز اون اوچ سنه سى محرمى او اسطنده مصرى استيلا وقوعنده اول امرده طرف دولت عليه ابد مدتدن سرعسكر تعيين وارسالى وبعده سنه مرقومه ذى الحجه سنده حسب الاقتضا توفيق ربانى در سعادتن برأ مختصر اردوى هايون ظفر مقرون وايرتسى سنه دخى لزوم مصلحته مبتنى قدر يلكن دونماي هايون نصرتمون اسبالى ايله تدابير لازمه اجرا ومتفق سلطنت سنه اولان انكلتره دولتي جانبندن دخى طرف مصره سفارين وقره عسكرى ارساليه بالاتفاق استرداد اولكاي مصر معايتنا اولتمش اولغله بعنايت الله الملك القدير اطراف وحوالى سى حرباً وتخليه نزع وتسخير اولتمشين اون التى سنه سى اقليم مصر يه قبضه تصرفه آلد يغندن اسايش رعاياني متبع اولان مصالحه يي دخى اعاده يه طرفين رضاداد اولديغنه بناء بوفير كثير التقصير ركاب هايون ميمتمقرون امد جيلكى خدمتده مستخدم ايكن سنه مذ كوره شهر ذى القعدة الشريفه سنك

حالبوکه ، بیوک بر سهولتله ، حتی طبیعتله ، بر لاتین مصدر ویا ماده اصلیه سندن مشتق بر یکی فرانسزجه کله اویدوره بیلیرز ؛ بر آز استعمال ایله بو لفظ نوین رتبه تقرری احرار ایدر .
عننه نك توقی ؛ انقطاعی بر ملتی تولدیرر . ذاتاً ملت دیمك بر عننه بی عمادی ایتدیرن بر سلسله بشریه در . عننه سز مات متصور دکلدر . لسانسز قوم اوله مدینی کی .

هر نه وقت عنعنات کدوشه مش ، بر هیئت ، هیات جواریه نك اخلاق و عاداته مجلوب اولمش ایسه ، او ، بهمه حال ، تفسخ ایتشددر . بونك ده سر و حکمتی آشکاردر : بر مات ، ملت اوله رق کندیسنی کوستره بیلیمک ایچون ، بهمه حال ، طوغری یا کلش بر طاقم خصوصیاته مالک اولقی اقتضایدر . آنك مابه القوامی ، مابه القاسی بو خصوصیات ، بو عنعنات و لسانیدر . آنلرک ضیاع ویا زوالی ملتکده اندراسنه اشارتدر .

عقیده سز دین ، منطق سز فن ، وزن سز شعر ، محاکمه سز تاریخ ، خط سز هندسه ، رقم سز حساب ، کلفت سز نعمت ، کاغذ سز کتاب ، ماده یه استناد ایتیان رنك ، صوته مستند اولمیان آهنگ غیر قابل تعقل اولدینی کی عننه سز ملت ده اوله ماز . عننه ، بر درجه یه قدر ، تشکیل و ادامه ملتیه لسانکده فوقنده در : بر آمریقان ، بر آوستریا ، بر بلجیقا ، بر اسویچره ملتیری وار ، لکن لسانلری یوقدر . کذلک لسانلری مشترک اولدینی حالده آلمانلر ، آوستریا لیلر ، اسویچره لیلر ، فرانسیزلر ، بلجیقایلر ، اسویچره لیلر ، قانادالیلر ، انگلیزلر ، آمریقایلر ، دانمارقه لیلر ، نوروچلیلر آیری آیری ملتیزدر . مصالح ملیه ده ، ملتک تقویه سنده ، غلل ملیه یه دواساز اولقده عنعناتی دایما و دایما کون اوکنده بولوندیر مق بروجیه در .

عننه نك ده الزمی ، لازمی ، ایسی ، فناسی ، مهلکی ، ضرر سزی واردر . مسائل تنعنویه ده افراط و تفریط بنیان اجتماعی هدم ویا تغلیط ایده بیلیر . عننه یه قارشى لاقید قالمق مضیر اولدینی کی ، آکا زیاده سیله مربوط اولقده استقبالی تبعید ، ماضی یی تقریب ، حالی رتشویش ایدر . عننه ایله اوینامغه کلز . کذلک عننه مناقشه ده ایدلر . عقل و عننه نك علاقه یی چوق دیکل ، آزدر . عنعنات کیتدکجه صفوتندن تجرد ایدر .

بومقاله مزده — نظریات موجوده یه مراجعت ایتهدن — بر تجربه قلمیه ده بولوندق . مقصد من آفاق ایدی . آکا بناء در که علی الاکثر فرانسه یی موضوع بحث مقایسه ایتدک . قارئلر من ایستلر ایسه عینی تطبیقاتی کندمن اوزرنده ده یاپه بیلیرز .

مهرل نوری

تاریخ سیاسیده

ملت متحرک

۳

اون دوقوزنجی عصرک صوکنده ، حرکات ملیه نك نتیجه یی اوچ شکلده تظاهر ایتدی :
افتراق ، اتحاد و استخلاص .
۱ — افتراق ایله ، اوچ کوچوک ملت اوچ کوچوک دولته انقلاط ایتشدی ؛ بولردن

[منحط مملکتلر] قراللی ۱۸۱۴ ده یاپیلمش بر حکومت صنعیه ایکن ، بلجیقانک استقلالیه اورتادن زائل اولدی . عینی تاریخده عینی صنعیتله اتحاد ایدن اسوچله نوروچ رابطه سی ده ، تدریجاً وبلا اختلال ، انحلال ایتدی . چونکه نوروچ ملتته ، ۱۷۹۱ فرانسیز قانون اساسیسندن آلمش اصول ، اجنبی بر حکمداره تلقین اراده حقنی ویریوردی . نمسه دولتی ده ، بر اتحاد شخصی ایله برلشمش ایکی حکومت ، یاخود شکل سابقنده بر چفته دولت اولمشدی .

بو سببله بوکون بر نوروچ ویا بر مجار مسئله سی یوقدر .

۲ — اتحاد اصولیه ده ، بر طاقم کوچوک حکومتلر ، قوه عسکریه صاحبی ایکی ملتله برلشهرک برهر بویوک دولت اولمشدی ؛ آلمانیا ایله ایتالیا بویله تشککل ایتدی . بو کونکی آلمانیا دولت متحده سی ، اسکیدن ، بعضلری بزم آقسرائ محله سی قدر بر طاقم حکومتجکله انقسام ایدرکن ، بر طرفدن توسع و دیگر جهتیدن ده مشترک بر [سلطنت اراضیسی = Terre d'Empire] استحصال ایدن پروسیانک اطرافنده تشککل ایتمشدی . ایتالیان حکومتلری ده ، ساردنیا قراللغنه التحاق ایدهرک ایتالیا دولتی وجوده کتیرملردی .

۳ — استخلاص اسمیه یاد اولونان اوچنجی نتیجه ده عثمانلی اراضیسندن ظهور ایتدی : کچن عصرک بالقان خریطه سنده کی تعدیلاتی ملیتدن زیاده موسقوفک اثریدی ! ایکی صفحه ده نهایت بولان یونان استقلالیه ، صفحات مختلفه دن صوکره تشککل ایدن رومانیا حکومتی ، ونهایت قره طاغ و صربستان اسملریله ایجاد اولونمش روسیه میفیاتوری ایکی مضحکه ملیه ، اون دو قوزنجی عصرک اولادی دکل ، اولادقلریدر ! بویله اولقله برابر ، بونلرک هپسندن ، حالا برر امید ملی وار : فقط بو زمهره دن مثلالر رومانیا ، روسیه دن ده بسارابیانی ایسته سه ایدی ، دعواسنه بر آزده حق مزاج ایتش اولوردی ! ..

هر حالده بو اوچ نتیجه ، آوروپانک تشککلات سیاسی و تاریخیه سیله مقایسه اولونورسه ، حرکات ملیه نک ظن و اعلان اولوندینی قدر عالشمول ، متین ، طبیعی و عمومی اولمادینی قولایجه آکلاشیلیر : عکسنی ادعا ایتک ، تاریخک قلبندن بوتون حسیات قدیمه بی ، بوتون متناقض احتراصاتی چیقارمق دیمکدر ! برده ، ملی اولان هر حرکت ورقابت داخل حساب اولق شرطیه ، موفقیتله نهایت بولان ، مطلقاً شرائط خصوصیه دن متولد بر استثنادر : ملیت جریانی ، هر حالده قوتلی بر دولتهک حمایه سی اولان برلرده بر نتیجه ویره یلمشدر ؛ ایتالیا ده ، آلمانیا ده ، بر نقطه نظر دن مجارستانده وبالقاندوده ، هپ بو اساسک نتایجی تظاهر ایتمشدی . بویله اولقله برابر ، هپسندوده حالانقصان واردر ! جریان ملی ، آوستریاده امتیازات ملیه شکنده تجلی ایتدی ؛ فقط روسیه ده ، هیچ بر ملت هیچ بر حق حیات استحصال ایده مدیکندن ، مهزوم دکله ده عقیم اولدی : اوراده آنجق دولتهک مغلوبیتلری قانون اساسی بی تعدیل ایله اسارتی تقلیل ایدر !

باشقه بر نقطه نظر دن ده ، ملیت جریانی ، آلمانیا مستثنای اولق شرطیه ، همان هر برده ، یادوغرودن دوغرویه ، یاخود تشریک ویا اشتراک اصولیه ، مطلقاً بر اجنبی سلاخی سایه سنده موفق اولمشدر : مثلاً بلجیقاده فرانسز ، ایتالیا ده ینه فرانسز ، بالقانلرده ایسه روس مداخلاتی اولماسه ایدی ، بیلیم بوکون خریطه ده بر بلجیقا ، بر ایتالیا ، بر صربستان و بر قره طاغ بولایلمیمدک ، و بولسه قده کیم بیلیر نه وضعیته بولوردق ؟ ...

بوده اثبات ایدرکه بوکون حکومتلرک تشکلاتنده ، ملیت نظریه سندن زیاده ، اولاً اجنبی منافی ، ثانیاً بر آزده اجنبی قوتی اجرای تأثیر ایدیور . بو سببله ، شیمدی یه قدر ملیت ، مثلاً بجمه مزله

هیچ بر مناسبتی اولمیان « آجیق قاپو سیاستی » و یا خود سیاست اقتصادی ده کی « اصول حمایه » کی بر اسمدن عبارت اولدی؛ فرضاً صربستانک تشکنی یا لکزملیته عطف اتمک، تاریخی پک آز آ کلامقدر: ملیت اساسنک مجهول اولدینی زمانلرده ده حکومتلرینه تشکل اتمشدی! هر حالده دولت اولاجق بر ملت، سائق استقلالنک اسمی نه اولورسه اولسون، زمینله زمان و سویه بولونجه، اسارتدن محقق قورتولور. حتی قوه مسلحه مسئله سی، بر طاقم یرلرده ده ملیت ایچون ملیت نظریه سنی چیکنه مشدر! بو صورتله اورالر، اون دو قوزنجی عصر دن ده اسکی زمانلره دوغرو ارتجاعه محکوم اولمش دیمکدی؛ بناءً علیه آوروپاده ملیت، قوتک عالم سیاستده پک مستعمل بر آلتدن عبارت قالمشدر.

اسماعیل هاشمی

عثمانلی تاریخ اجتماعیسنه دائر وثیقهلر:

سلیمان قانونینک صوک سنه لرنده

قلب آچه و اخراجات مسئله سی

سلطان سلیمان قانونی زماننده تجارتده حمایه اصولی جاری ایدی. داخل مملکتدن اجنبیلره ترکه، باقر و معدن صائلماسنه دقت ایدیلیردی. از جمله ولایتلرده خارجدن کلان تجار، مملکت عثمانیه کتیردیکی امتعهیه مقابل امتعه آیر، بوسورتله التونک چیقماماسنه دقت ایدیلیردی. بومسئلهیه دقت ایدلسی ایچون ارضروم بکربکیسنه آتیده کی حکم یازلمشدی:

« ارضروم بکربکیسنه حکم که

بوندن اقدام حکم شریف کوندریلوب یوقارو جانبه تجار طایفه سی کومش و التون اوانی سی ونقد آچه الوب کتمک منع اولنوب تاجر کتوردیکی متاعنه کوره کیرو متاع الوب کیده دیواصرم اولمش ایدی. حالیا بعض تجار طایفه سی کتوردکلری متاعلرین صائدو قلدن صکره کیرو متاع المیوب جمله بهاسنه کومش الوب کمسنه مانع اولز چیقوب کیدرلر دیو سده سعادتمه اعلام اولندی امدی بوبابده امر شریف کما کان مقرر اولغین بیوردوم که وصول بولدقده بوبابده دائماً اوکات وجهله مقید اولوب یوقارو جانبه اگر اوانی طریقله واکریمزی جهتله امرمه مخالف کومش والتون کتمکدن حذر ایدوب یوللری ویا تجار مرور و عبور ایده جک محللری کوروب کوندریلن امرمه مغایر ایمش اولقدن و کمسنهیه حمایت اولقدن حذر ایده سن. صکره عذوک مقبول اولز. ا که کوره مقید اولاسن. فی ۲۲ شوال ۹۴۷. »

مع مافیه خارجدن کلن تجارک داخل مملکتدن التون اخراج ایتسنه ممانعت ایدلمکه برابر تجارک سهولتله ایفای معامله ایتسنه دقت ایدیلیردی. تجاره ظلم ایدنلر تجزیه ایدیلیر، مملکتده تجارتک رواج بولماسنی تأمین ایچون ارباب تجارت دائماً حمایه اولونوردی. بر دفعه یاسین سنجاق بکی تجارک الندن فضولی کوموش و باقر ضبط اتمک ایسته مش، سوء استعمالی استانبوله تبلیغ ایدیلر ایدلز، ارضروم بکار بکیسنه آتیده کی حکم کوندرلمشدی:

ارضروم بکربکیسنه حکم که

ارزنجان قاضیسی مکتوب کوندروب میزان حرب کومرکی امینی کلوب دیار شرقه کیدن تجار